

სსიპ-საქართველოს ინტელექტუალური საკუთრების ეროვნული ცენტრი „საქპატენტი“

გამარტივებული ელექტრონული ტენდერის საშუალებით
ავტომობილებისა და მათთან დაკავშირებული მოწყობილობების შეკეთებისა და ტექნიკური
მომსახურების (CPV-50110000) შესყიდვის სატენდერო დოკუმენტაცია

წინამდებარე სატენდერო დოკუმენტაცია შედგენილია
„სახელმწიფო შესყიდვების შესახებ“ საქართველოს კანონის 12¹ მუხლის და „გამარტივებული შესყიდვის,
გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“
სახელმწიფო შესყიდვების სააგენტოს თვმჯდომარის 07.04.2011წ. №9 ბრძანების საფუძველზე

დაფინანსების წყარო: საკუთარი სახსრები

ქ. თბილისი 2012 წ.

სარჩევი

1. ტექნიკური დავალება 3
2. სახელმწიფო შესყიდვის შესახებ ხელშეკრულების პროექტი 5

შესყიდვის ობიექტია: გადაცემათა კოლოფების შეკეთება და ტექნიკური მომსახურება (CPV-50116400), კერძოდ:

ავტოსატრანსპორტო საშუალების დასახელება	საქონლისა და გასაწევი თანამდები მომსახურების დასახელება	თანხა (ლარი)
Hyundai tucson, 2005 წლის გამოშვება, ძრავის მოცულობა 2,0, საწვავის ტიპი დიზელი, ავტომატიკა; ვინ. კოდი: KMHJN81UPU195075	ავტომატური გადაცემათა კოლოფი (მეორადი, კარგ მდგომარეობაში, ორიგინალი, სრული კომპლექტი)	
	ავტომატური გადაცემათა კოლოფის (მეორადი, კარგ მდგომარეობაში, ორიგინალი, სრული კომპლექტი) შეკეთება და საექსპლუატაციო რეჟიმში მოყვანა	

შესყიდვის ობიექტის საგარაუდო ღირებულებაა: 4300 (ოთხი ათას სამასი) ლარი.

- პრეტენდენტს უნდა გააჩნდეს „Hyundai“-ს ტიპის ავტომანქანაზე ანალოგიური მომსახურების გაწევის არანაკლებ 3 (სამი) წლიანი გამოცდილება.
- სავალდებულოა ავტომატური გადაცემათა კოლოფი იყოს ორიგინალი და იყოს კარგ მდგომარეობაში. ამასთან, დაყენების მომენტისათვის სავალდებულოა გამოცვლილი იყოს ზეთი და ფილტრი.
- პრეტენდენტის მიერ შესყიდვის ობიექტზე უნდა განისაზღვროს გარანტია არანაკლებ - 10000 (ათი ათასი) კილომეტრი გარბენის ოდენობით.
- პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაცია:**
 - ინფორმაცია ორგანიზაციის რეკვიზიტების შესახებ (იურიდიული სახელწოდება, ფორმა, მისამართი, საიდენტიფიკაციო კოდი, ტელეფონის/ფაქსის ნომერი, ხელმძღვანელ(ებ)ის სახელი და გვარი, ელექტრონული მისამართი, ბანკის დასახელება, ბანკის კოდი, ანგარიშსწორების ანგარიშის ნომერი).
 - ინფორმაცია პრეტენდენტის მიერ ანალოგიური მომსახურების გაწევის არანაკლებ 3 (სამი) წლიანი გამოცდილების შესახებ.
 - ინფორმაცია გარანტიის შესახებ.
 - ინფორმაცია სატენდერო წინადადების მოქმედების ვადის შესახებ (სატენდერო წინადადება უნდა მოქმედებდეს მისი სისტემაში ატვირთვის დღიდან, ტენდერისათვის „ხელშეკრულება დადებულია“, „დასრულებულია უარყოფითი შედეგით“, ან „ტენდერი შეწყვეტილია“ სტატუსის მინიჭებამდე).

პრეტენდენტის მიერ წარმოდგენილი სატენდერო წინადადება და სატენდერო დოკუმენტაცია ხელმოწერილი და ბეჭედდასმული უნდა იყოს უფლებამოსილი პირის ხელმოწერითა და ბეჭდით.

5. სახელმწიფო შესყიდვების ერთიან ელექტრონულ სისტემაში სატენდერო წინადადების (ტექნიკური დოკუმენტაციისა და სატენდერო წინადადების ფასი) წარდგენით პრეტენდენტი ავტომატურად გამოხატავს თანხმობას ამ პუნქტის „5.1.“-„5.9.“ ქვეპუნქტებში განსაზღვრულ მოთხოვნებზე:

- 5.1. მომსახურება გაწეული უნდა იქნეს მიმწოდებლის სერვის-ცენტრში ხელშეკრულების გაფორმებიდან არაუგვიანეს 5 (ხუთი) სამუშაო დღის განმავლობაში.
- 5.2. იმ შემთხვევაში, თუ აღმოჩნდება რომ მიმწოდებლის მიერ არ არის სრულყოფილად გაწეული მომსახურება და/ან შეცვლილი ნაწილი აღმოჩნდა წუნდებული, მიმწოდებელი ვალდებულია აღმოჩენილი ხარვეზი აღმოფხვრას საკუთარი ხარჯებით.
- 5.3. ანგარიშსწორებისათვის შემსყიდველსა და მიმწოდებელს შორის უნდა გაფორმდეს შესაბამისი მიღება-ჩაბარების აქტი. მიმწოდებელი ვალდებულია წარუდგინოს შემსყიდველს თანხლები დოკუმენტაცია (სასაქონლო ზედნადები და საგადასახადო ანგარიშ-ფაქტურა). ანგარიშსწორება განხორციელდება მიღება-ჩაბარების აქტის გაფორმებიდან 15 (თხუთმეტი) კალენდარული დღის განმავლობაში.
- 5.4. ტენდერში გამოყენებული იქნება სატენდერო წინადადების უზრუნველყოფის გარანტია (ელექტრონული გარანტია) სატენდერო განცხადებაში მითითებული სავარაუდო ღირებულების 1%-ის ოდენობით, რომლის მოქმედების ვადა განისაზღვრება მინიმუმ 30 კალენდარული დღით, ტენდერისათვის სტატუსის - „წინადადებების მიღება დაწყებულია“ მინიჭების ეტაპიდან.
- 5.5. წინასწარი გადახდის მექანიზმი არ გამოიყენება.
- 5.6. პრეტენდენტს არა აქვს უფლება წარმოადგინოს ალტერნატიული წინადადება.
- 5.7. სატენდერო წინადადებაში წარმოდგენილი ფასი გამოსახული უნდა იყოს ლარში, ყველა ხარჯისა (საქონელი და მომსახურება) და გადასახადის გათვალისწინებით. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას.
- 5.8. სატენდერო წინადადების ფასი სისტემაში მითითებული უნდა იქნეს დღგ-ს გათვალისწინებით.
- 5.9. თუ პრეტენდენტი არ არის დღგ-ს გადამხდელი, მასთან ანგარიშსწორება მოხდება დღგ-ს თანხის გამოკლებით.

შენიშვნა: გამარჯვებულმა პრეტენდენტმა უნდა წარმოადგინოს ვაჭრობის შედეგად დაფიქსირებული საბოლოო ფასების შესაბამისი ცხრილი.

დამატებითი ინფორმაციის მიღება შესაძლებელია სატენდერო კომისიის აპარატში, საკონტაქტო ტელეფონი: 298-85-18.

ხელშეკრულება №——— სახელმწიფო შესყიდვის შესახებ

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი

ქ. თბილისი

————— 2012 წელი

ერთის მხრივ, საქართველოს ინტელექტუალური საკუთრების ეროვნული ცენტრი „საქპატენტი“ (შემდგომში „შემსყიდველი“), წარმოდგენილი მისი საფინანსო დეპარტამენტის უფროსის გიორგი ქურდიანის სახით, (მოქმედი სსიპ „საქპატენტის“ თავმჯდომარის - ირაკლი ღვალაძის მიერ 2011 წლის 1 სექტემბრის №41 ბრძანებით მინიჭებული უფლებამოსილების საფუძველზე) და მეორეს მხრივ, ————— (შემდგომში „მიმწოდებელი“) წარმოდგენილი მისი დირექტორის ————— სახით, სახელმწიფო შესყიდვების შესახებ კანონის და მიმწოდებლის სატენდერო წინადადების საფუძველზე, №SPA----- გამარტივებული ელექტრონული ტენდერის ჩატარების შედეგად დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „დღე“, „კვირა“, „თვე“ – კალენდარული დღე, კვირა, თვე.
- 1.3. „შემსყიდველი“ – ორგანიზაცია, რომელიც ახორციელებს შესყიდვას.
- 1.4. „მიმწოდებელი“ – პირი, რომელიც ახორციელებს საქონლის მიწოდებას და მომსახურების გაწევას ხელშეკრულების ფარგლებში.
- 1.5. „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.6. „ტექნიკური დავალება“ – №SPA————— გამარტივებული ელექტრონული ტენდერის სატენდერო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

ავტომანქანა „Hyundai tucson“-ის (2005 წლის გამოშვება, ძრავის მოცულობა 2,0, საწვავის ტიპი დიზელი, ავტომატიკა; ვინ. კოდი: KMHJN81UPU195075) ავტომატური გადაცემათა კოლოფი (მეორადი, კარგ მდგომარეობაში, ორიგინალი, სრული კომპლექტი) და თანმდევი მომსახურება (მონტაჟი და საექსპლუატაციო რეჟიმში მოყვანა) (CPV-50116400).

3. ხელშეკრულების ჯამური ღირებულება

- 3.1. ხელშეკრულების ჯამური ღირებულება შეადგენს ----- ლარს.
- 3.2. ხელშეკრულების ჯამური ღირებულება მოიცავს მიმწოდებლის ყველა ხარჯსა და საქართველოს კანონმდებლობით გათვალისწინებულ გადასახადებს.

4. ანგარიშსწორების ფორმა და ვადები

- 4.1. მიმწოდებელთან ანგარიშსწორება განხორციელდება უნაღდო ანგარიშსწორების წესით, ეროვნულ ვალუტაში.
- 4.2. მიმწოდებელთან ანგარიშსწორება განხორციელდება მხარეთა მიერ გაფორმებული შესაბამისი მიღება-ჩაბარების აქტისა და საგადასახადო ანგარიშ-ფაქტურის საფუძველზე.
- 4.3. მიმწოდებელთან ანგარიშსწორება განხორციელდება მიღება-ჩაბარების აქტისა და საგადასახადო დოკუმენტაციის წარდგენიდან 15 (თხუთმეტი) კალენდარული დღის განმავლობაში.

5. მომსახურების მიღება-ჩაბარების წესი

- 5.1. მომსახურება ჩაითვლება გაწეულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ.
- 5.2. შემსყიდველის მხრიდან მიღება-ჩაბარების აქტზე ხელმოწერ უფლებამოსილ პირს წარმოადგენს -----

6. მომსახურების გაწევის ვადა

მომსახურება გაწეულ უნდა იქნეს მიმწოდებლის სერვის-ცენტრში ხელშეკრულების გაფორმებიდან არაუგვიანეს 5 (ხუთი) სამუშაო დღის განმავლობაში.

7. გარანტია

შესყიდვის ობიექტზე გარანტია განისაზღვრება არანაკლებ ----- კილომეტრის გარბენით.

8. მხარეთა უფლება-მოვალეობანი

- 8.1. შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება.
- 8.2. შემსყიდველი ვალდებულია უზრუნველყოს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში.
- 8.3. მიმწოდებელი უფლებამოსილია მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებულ ვადებში.
- 8.4. მიმწოდებელი ვალდებულია გაუწიოს მომსახურება სათანადო ხარისხით.
- 8.5. მიმწოდებელი ვალდებულია შემსყიდველის მიმართვის შემთხვევაში ჩაატაროს ავტომატური დათვალიერება, რის შემდგომაც მხარეები ადგენენ დეფექტურ აქტს, რომელშიც მითითებული უნდა იყოს გასაწევი მომსახურების ან/და სათანადო ნაწილების დეტალური აღწერა, მათი ღირებულებები, აგრეთვე მომსახურების დაწყებისა და დასრულების ვადები.

9. ხელშეკრულების შესრულების კონტროლი

- 9.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი (ინსპექტირება), რომლის მიზანია მომსახურების შესაბამისობის დადგენა ხელშეკრულებით გათვალისწინებულ პირობებთან და შემსყიდველის

მოთხოვნებთან.

- 9.2. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზრაურობა ეკისრება მიმწოდებელს საქართველოს კანონმდებლობით დადგენილი წესით.

10. ხელშეკრულებაში ცვლილებების შეტანა და ხელშეკრულების შეწყვეტა

- 10.1. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 10.2. ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.
- 10.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 10.4. ხელშეკრულება, ასევე, შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. პირგასამტეხლო ხელშეკრულების პირობების შეუსრულებლობისათვის

- 11.1. მხარეთა მიერ ხელშეკრულების პირობების შეუსრულებლობა, არაჯეროვნად შესრულება ან/და წინამდებარე ხელშეკრულებით გათვალისწინებული ვადების დარღვევა გამოიწვევს მათ პასუხისმგებლობას მოქმედი კანონმდებლობითა და წინამდებარე ხელშეკრულებით დადგენილი წესით.
- 11.2. მიმწოდებელი პასუხისმგებელია მიწოდებული საქონლისა და გაწეული მომსახურების ხარისხზე. ნაკლის აღმოჩენის შემთხვევაში, მიმწოდებელი საკუთარი ხარჯითა და პასუხისმგებლობით უზრუნველყოფს არსებული ნაკლის აღმოფხვრას შემსყიდველის მიერ ნაკლის გამოვლენის თაობაზე მისთვის (მიმწოდებლისთვის) გაგზავნილი წერილობითი შეტყობინების მიღებიდან არაუგვიანეს 5 (ხუთი) დღისა. იმ შემთხვევაში, თუ მიმწოდებელი ვერ უზრუნველყოფს ნაკლის აღმოფხვრას ამ პუნქტით დადგენილ ვადაში, შემსყიდველს უფლება აქვს დააკისროს მიმწოდებელს პირგასამტეხლო ხელშეკრულების საერთო ღირებულების 5%-ის ოდენობით ყოველ ვადაგადაცილებულ დღეზე.
- 11.3. ხელშეკრულებით ნაკისრი ვალდებულებების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,5%-ის ოდენობით.
- 11.4. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 5%-ს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზრაურობა.
- 11.5. მხარის მიერ ხელშეკრულების პირობების სრული ან ნაწილობრივი დარღვევის და/ან შეუსრულებლობის შემთხვევაში, მეორე მხარეს უფლება აქვს წერილობით მიუთითოს მას აღნიშნულ გარემოებაზე და მოსთხოვოს მისი გამოსწორება გონივრულ ვადაში (რაც შეტყობინების სახით ეგზავნება მეორე მხარეს), ხოლო შეტყობინებაში მითითებული ვადის გასვლის შემდეგ შეწყვიტოს წინამდებარე ხელშეკრულება. საქართველოს სამოქალაქო

კანონმდებლობით გათვალისწინებულ შემთხვევებში მხარე უფლებამოსილია შეწყვიტოს ხელშეკრულება გონივრული ვადის დაწესების გარეშე.

11.6. მხარეს შეუძლია მოითხოვოს მეორე მხარის მიერ ნაკისრი ვალდებულებების შეუსრულებლობით ან არაჯეროვანი შესრულებით მისთვის მიყენებული ზიანის ანაზღაურება.

11.7. მხარეთა მიერ წინამდებარე ხელშეკრულების პირობების დარღვევის შემთხვევაში მათ მიერ ზიანის ანაზღაურება და პირგასამტეხლოს გადახდა არ ათავისუფლებს მათ ხელშეკრულებით გათვალისწინებული ვალდებულების შესრულებისაგან.

12. უფლებების გადაცემა

მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები.

13. ფორს-მაჟორი

13.1. ფორს-მაჟორი ნიშნავს მხარეებისთვის გადაულახავ და მათი კონტროლისაგან დამოუკიდებელ გარემოებებს, რომელიც არ არის დაკავშირებული შემსყიდველის და ან მიმწოდებლის შეცდომებსა და დაუდევრობასთან და რომელსაც გააჩნია წინასწარ გაუთვალისწინებელი ხასიათი.

13.2. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომელისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

14. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

15. ხელშეკრულების მოქმედების ვადა

15.1. ხელშეკრულება ძალაში შედის ხელშეკრულების გაფორმების დღიდან და მოქმედებს -----
-----.

15.2. ხელშეკრულება შედგენილია ქართულ ენაზე, სამ თანაბარმნიშვნელოვან ეგზემპლარად (ერთი ეგზემპლარი მიმწოდებელს, ხოლო ორი ეგზემპლარი შემსყიდველს).

მხარეთა რეკვიზიტები და ხელმოწერები

შემსყიდველი

მიმწოდებელი

საქართველოს ინტელექტუალური საკუთ-
რების ეროვნული ცენტრი „საქპატენტი“
მისამართი: საქართველო, ქ. თბილისი
შ. რუსთაველის გამზ. №30
საიდენტიფიკაციო კოდი: 203831363
საბანკო რეკვიზიტები:
ს/ს „საქართველოს ბანკი“ ც/ფ,
ბანკის კოდი: BAGAGE22
ანგ. №GE57BG0000000892218200

საფინანსო დეპარტამენტის უფროსი
გიორგი ქურდიანი